

六科准繩

卷
10
一

亥 23

18-1

共 8 册



證治準繩



光緒十有八年上海圖
書集成印書局印



證治準繩自序

余髮始燥則聞長老道說范文正公未達時禱於神以不得爲良相願爲良醫因歎古君子之存心濟物如此其切也當是時顓蒙無所知顧讀岐黃家言輒心開意解若有夙契者嘉靖丙寅母病貼危常潤名醫延致殆徧言人人殊罕得要領心甚陋之於是銳志學醫旣起亡妹於垂死漸爲人知延診求方戶屢恆滿先君以爲妨廢舉業常嚴戒之遂不復窮究無何舉於鄉又十年成進士選讀中祕書備員史館凡四年請急歸旋被口語終已不振因伏自念疊受我聖主作養厚恩見謂儲相材雖萬萬不敢望文正公然其志不敢不立而其具不敢不勉以庶幾無負父師之教而今已矣定省之餘頗多暇日乃復取岐黃家言而肆力焉二親篤老善病卽醫非素習固將學之而況乎輕車熟路也於是聞見日益廣而藝日益精鄉曲有抱沉疴醫技告窮者叩闥求方亡弗立應未嘗敢萌厭心所全活者稍稍衆矣而又念所濟僅止一方孰若著爲書傳之天下萬世耶偶嘉善高生隱從余游因遂採取古今方論參以鄙見而命高生次第錄之遂先成雜病論與方各八巨表高生請名余命之曰證治準繩高生曰何謂也余曰醫有五科七事曰脈曰因曰病曰證曰治爲五科因復分爲三曰內曰外曰亦內亦外并四科爲七事如陰陽俱緊而浮脈也傷寒因也太陽病也頭痛發熱身痛惡寒無汗證也麻黃湯治也派析支分毫不容濫而時師

皆失之不死者幸而免耳自陳無擇始發明之而其爲三因極一方復語焉不詳李仲南爲永類鈴方枝
分派析詳矣而入理不精比附未確此書之所以作也曰五科皆備焉而獨名證治何也曰以言證治獨
詳故也是書出而不知醫不能脈者因證檢書而得治法故也雖然大匠之所取平與直者準繩也而其
能用準繩者心目明也倘守死句而求活人以準繩爲心目則是書之刻且誤天下萬世而余之罪大矣
家貧無貲假貸爲之不能就其半會侍御周鶴陽公以按轡行縣至金壇聞而助成之遂行於世時
萬厯三十年歲次壬寅夏五月朔旦念西居士王肯堂字泰識

證治準繩卷一目錄

諸中門

卒中暴厥

中風

中寒

中暑

中濕

中氣

中食

中惡

五絕自縊 擢壓 溺水 斃

諸傷門 傷寒傷風別爲一書

傷暑

傷濕

傷燥

傷飲食

傷勞倦

虛勞癆骨蒸熱

傳尸勞

寒熱門

發熱

潮熱

惡寒

振寒

氣分寒

三焦寒

往來寒熱

外熱內寒外寒內熱

上熱下寒上寒下熱

瘧

厥

寒厥手足冷

熱厥手足熱尸厥



南京中醫藥大學圖書館版權所有

證治準繩卷一

金壇王肯堂輯 吳門程永培校

卒中暴厥

經云暴病卒死皆屬於火註云火性速疾故也然初治之藥不寒而溫不降而升甚者從治也俗有中風中氣中食中寒中暑中濕中惡之別但見卒然仆倒昏不知人或痰涎壅塞咽喉作聲或口眼喎斜手足癱瘓或半身不遂或六脈沉伏或指下浮盛者並可用麻油薑汁竹瀝調蘇合香丸如口噤挾閉灌之或用三生飲一兩加人參一兩煎成入竹瀝二三杯薑汁少許如挾不開不可進藥急以生半夏爲末吹入鼻中或用細辛皂角菖蒲爲末吹入得嚏則甦此可以驗其受病深淺則知其可治不可治

詳見中風若門口噤條

口開手撒遺尿者虛極而陽暴脫也速用大料參耆接補之及臍下大艾灸之痰涎壅盛者宜吐之急

救稀涎散猪牙皂角肥實不蛀者四挺去黑皮晉礬光明者一兩各爲細末研勻輕者五分重者三字溫

水調灌下又碧霞散揀上色精好石綠研篩水飛再研取二三錢同冰片三四豆許研勻以生薄荷汁合

溫酒調服之二藥不大嘔吐但微微令涎自口角流出自甦舊說口開心絕手撒脾絕眼合肝絕遺尿

腎絕聲如鼾肺絕皆爲不治之症然五症不全見者速服參耆膏灸臍下亦有得生者卒中眼上戴不

能視者灸第二椎骨第五椎上各七壯一齊下火炷如半棗核大 若中人髮直吐清沫搖頭上攢面赤如粧汗綴如珠或頭面赤黑眼閉口開氣喘遺尿皆不可治 諸中或未甦或已甦或初病或久病忽吐出紫紅色者死 傳心方云治男子婦人涎潮於心卒然中倒當卽時扶入暖室中扶策正坐當面用好醋炭熏之令醋氣衝入口鼻內良久其涎潮聚於心者自收歸舊輕者卽時甦醒重者亦省人事惟不可喫一滴湯水入喉也如喫湯水則其涎永繫於心絡不能去必成廢人

風邪中人六脈多沉伏亦有脈隨氣奔指下洪盛者浮遲吉堅大急疾凶 浮遲爲寒 虛大爲暑不當暑則爲虛 浮澀爲濕 浮大爲風 浮數無熱亦爲風 微而數浮而緊沉而遲皆氣中 風應人迎氣應氣口 洪大爲火 滑爲痰 或浮而滑沉而滑微而虛者皆虛與痰 更當察時月氣候及其人之起居參以顯症而定病之主名以施治療

中風

中後當如東垣法分中血脈中府中藏施治 靈樞經云虛邪偏客於身半其入深內居榮衛榮衛稍衰則真氣去邪氣獨留發爲偏枯故其邪氣淺者脈偏痛又云偏枯身偏不用而痛言不變志不亂病在分腠之間巨針取之益其不足損其有餘乃可復也痺之爲病也身無痛者四肢不收志亂不甚其言微知

可治甚則不能言不可治也此內經論中風之淺深也其偏枯身偏痛而言不變志不亂者邪在分腠之間卽仲景東垣所謂邪中府是也痲病無痛手足不收而言瘖志亂者邪入於裏卽仲景東垣所謂邪中藏是也

中血脈外有六經之形症則以小續命湯加減及疎風湯治之 太陽經中風無汗惡寒於續命湯中加麻黃防風杏仁一倍針太陽經至陰出血崑崙舉蹻有汗惡風於續命湯中加桂枝芍藥杏仁一倍針風府 陽明經中風無汗身熱不惡寒於續命湯中加石膏二兩知母二兩甘草一兩有汗身熱不惡風於續命湯中加葛根二兩桂枝黃芩各一倍針陷谷刺厲兌 太陰經中風無汗身涼於續命湯中加附子一倍乾薑加二兩甘草加三兩針隱白 少陰經中風有汗無熱於續命湯中加桂枝附子甘草各一倍針太谿 凡中風無此四證六經混淆繫於少陽厥陰或肢節攣痛或麻木不仁每續命八兩加羌活四兩連翹六兩刺厥陰之井大敦以通其經灸少陽之經絕骨以引其熱

中府內有便溺之阻隔宜三化湯或局方中麻仁丸通利之

外無六經之形症內無便溺之阻隔知爲血弱不能養筋故手足不能運動舌強不能語言也宜大秦朮湯養血而筋自榮 若內外症俱有之先解表而後攻裏若內邪已除外邪已去當服愈風湯以行中道

久服大風盡去縱有微邪只從愈風湯加減治之然治病之法不可失於通塞或一氣之微汗或一旬之通利如此乃常治之法也久之清濁自分榮衛自和矣

中藏痰涎昏冒宜至寶丹活命金丹之類

若中血脉中府之病初不宜用龍腦麝香牛黃爲麝香入脾治肉牛黃入肝治筋龍腦入腎治骨恐引風深入骨髓如海入經

莫之能出

中府者多兼中藏

如左關脈浮弦面目青左脇偏痛筋脈拘急目瞶頭目眩手足不收坐踞不得此中

膽兼中肝也犀角散之類

如左寸脈浮洪面赤汗多惡風心神顛倒言語蹇澀舌強口乾忪悸恍惚此

中小腸兼中心也加味牛黃散之類

如右關脈浮緩或浮大面唇黃汗多惡風口喎語澀身重怠惰嗜

臥肌膚不仁皮肉瞶動腹脹不食此中胃兼中脾也防風散之類

如右寸脈浮瀄而短鼻流清涕多喘

胸中冒悶短氣自汗聲嘶四肢痿弱此中大腸兼中肺也五味子湯之類

如左尺脈浮滑面目黧黑腰

脊痛引小腹不能俛仰兩耳虛鳴骨節疼痛足痿善恐此中膀胱兼中腎也獨活散之類

治風之法解

表攻裏行中道三法盡矣然不可執也如小續命湯亦麻黃桂枝之變麻黃桂枝若不施於冬月之傷寒

而施於溫熱之症未有不殺人者其可執乎

戴復菴云治風之法初得之卽當順氣及其久也卽當活血久患風疾四物湯吞活絡丹愈者正是此義

若先不順氣遽用烏附又不活血徒用防風天麻羌活輩吾未見其能治也然順氣之藥則可破氣瀉氣之藥則不可 卒仆偏枯之症雖有多因未有不因真氣不周而病者故黃耆爲必用之君藥防風爲必用之臣藥黃耆助真氣者也防風載黃耆助真氣以周於身者也亦有治風之功焉許允宗治王太后中風口噤煎二藥熏之而愈況服之乎 多怒加羚羊角 渴加葛根汁秦艽 口噤口喎亦加秦艽 恍惚錯語加茯神遠志 不得睡加炒酸棗仁 不能言加竹瀝荆瀝梨汁陳醬汁生薑汁人乳汁 內熱加梨汁人乳生地黃汁 痰多加竹瀝荆瀝少佐以薑汁 予每治此症用諸汁以收奇功爲其行經絡滲分肉捷於湯散故也 〔小便不利〕三因白散子加木通燈心茅根煎熱盛去附子 潔古云中風如小便不利不可以藥利之既已自汗則津液外亡小便自少若利之使榮衛枯竭無以制火煩熱愈甚當俟熱退汗止小便自行也 〔遺尿〕濃煎參耆湯少加益智子頻啜之 中風〔多食〕風木盛也盛則尅脾脾受敵求助於食經曰實則夢與虛則夢取當瀉肝木治風安脾脾安則食少是其效也 此其大略也仍分症詳著於後

〔痰涎壅盛〕

橘紅一斤逆流水五碗煮數滾去橘紅再煮至一碗頓服白湯導之吐痰之聖藥也 竹

瀝荆瀝少佐薑汁加入二陳湯星香散中乃必用之藥 戴云肥人多中以氣盛於外而歉於內也肺爲

氣出入之道人肥者必氣急氣急必肺邪盛肺金尅肝木膽爲肝之府故痰涎壅盛所以治之必先理氣爲急中後氣未盡順痰未盡降調理之劑惟當以藿香正氣散和星香散煎服此藥非特可以治中風之症中氣中惡霍亂尤宜 中後體虛有痰宜四君子湯和星香散或六君子湯和之 脈沉伏無熱者用三生飲加全蝎一個 養正丹可墜下痰涎鎮安元氣氣實者以星香湯吞之氣虛者以六君子湯吞之〔口噤〕 以蘇合香丸或天南星冰片末或白梅末擦牙 以鬱金藜蘆末搐鼻 以黃耆防風湯熏針人中頰車各四分 白礬半兩鹽花一分細研揩點牙根下更以半錢匕綿裹安牙盡頭 用甘草匙中指節截作五截於生油內浸過炭火上炙候油入甘草以物斡開牙關令咬定甘草可人行十里許時又換甘草一截後灌藥極效

〔口眼喎斜〕 經曰木不及曰委和委和之紀其動縵戾拘緩又云厥陰所至爲縵蓋縵縮短也木不及則金化縮短乘之以勝木之條達也戾者口目喎斜也拘者筋脈拘強也木爲金之縮短牽引而喎斜拘強也緩者筋脈縱也木爲金乘則土寡於畏故土氣化緩縱於其空隙而拘緩者自緩也故口目喎斜者多屬胃土然有筋脈之分焉經云足之陽明手之太陽筋急則口目爲僻皆急不能卒視此胃土之筋爲喎斜也又云胃足陽明之脈挾口環唇所生病者口喎唇斜此胃土之脈爲喎斜也口目常動故風生焉

耳鼻常靜故風息焉治宜清陽湯秦朮升麻湯或二方合用黃耆二錢人參當歸白芍藥各一錢甘草桂枝各五分升麻葛根秦朮各一錢白芷防風蘇木紅花酒黃柏各五分水酒各半煎稍熱服初起有外感者加蓮鬚葱白三莖同煎取微汗第二服不用 外以酒煮桂取汁一升以故布浸揚病處左囑揚右右囑揚左 筋急囑斜藥之可愈脈急囑斜非灸不愈目斜灸承泣口囑灸地倉如未效於人迎頰車灸之 戴云中而口眼囑邪者先燒皂角烟熏之以逐去外邪次燒乳香熏之以順其血脈

〔半身不遂〕

經云胃脈沉鼓瀆胃外鼓大心脈小堅急皆膈偏枯男子發左女子發右不瘡舌轉可治

三十日起其從者瘡三歲起年不滿二十者三歲死蓋胃與脾爲表裏陰陽異位更實更虛更逆更從或從內或從外是故胃陽虛則內從於脾內從於脾則脾之陰盛故胃脈沉鼓瀆也瀆爲多血少氣胃之陽盛則脾之陰虛虛則不得與陽主內反從其胃越出於部分之外故胃脈鼓大於臂外也大爲多氣少血心者元陽君主之宅生血主脈因元陽不足陰寒乘之故心脈小堅急小者陽不足也堅急者陰寒之邪也夫如是心胃之三等脈凡有其一卽爲偏枯者何也蓋心是天真神機開發之本胃是穀氣充大真氣之標標本相得則胸膈間之膈中氣海所留宗氣盈溢分布四藏三焦上下中外無不周徧若標本相失則不能致其氣於氣海而宗氣散矣故分布不周於經脈則偏枯不周於五藏則瘡卽此言之是一條可

爲後之諸言偏枯者綱領也。未有不因真氣不周而病者也。故治療之方不用黃耆爲君人參當歸爲臣藥爲臣防風桂枝釣藤竹瀝荆瀝薑汁韭汁葛汁梨汁乳汁之屬爲之佐使而雜沓乎烏附羌獨之屬以涸榮而耗衛如此死者醫殺之也。丹溪云大率多痰在左挾死血與無血在右挾氣虛與痰亦是無本杜撰之談不必拘之。古方順風勻氣散虎骨散虎脛骨酒黃耆酒皆可用。外用蠶沙兩石分作三袋每袋可七斗蒸熟一袋著患處如冷再換一袋依前法數數換易百不禁癢止須羊肚釀粳米蘆白薑椒豉等煮爛熟日食一具十日止。

〔失音不語〕

素問云太陰所謂入中爲瘡者陽盛已衰故爲瘡也。內奪而厥則爲瘡。瘡此腎虛也。少陰

不至者厥也。夫腎者藏精主下焦地道之生育故衝任二脈繫焉。二脈與少陰腎之大絡同出腎下起於胞中其衝脈因稱胞絡爲十二經脈之海遂名海焉。衝脈之上行者滲諸陽灌諸精下行者滲三陰灌諸絡而溫肌肉別絡結於跗因腎虛而腎絡與胞絡內絕不通於上則瘡腎脈不上循喉嚨挾舌本則不能言二絡不通於下則瘡厥矣如是者以地黃飲子主之。竹瀝 荆瀝 大梨汁各三杯 生葛汁 人乳汁

各二杯

陳醬汁半杯和勻隔湯頓溫服

有痰者滌痰湯

內熱者涼膈散加石菖蒲遠志爲末煉蜜丸彈子

大硃砂爲衣每服一丸薄荷湯化下名轉舌膏 寶鑑訶子湯正舌散茯神散

〔四肢不舉〕有虛有實實者脾土太過瀉令濕退土平而愈虛者脾土不足十全散加減去邪留正

詳見痿門

〔身體疼痛〕

鐵彈丸十味劉散

內有熱藥無熱者宜之

蠲痺湯

〔昏冒〕

活命金丹

至寶丹

至聖保命金丹牛黃清心丸

中風要分陰陽 陰中顏青臉白痰厥喘塞昏亂眩暈喎斜不遂或手足厥冷不知人事多汗 陽中臉赤如醉怒牙關緊急上視強直掉眩素問云諸風掉眩支痛強直筋縮爲厥陰風木之氣自大寒至小滿風木君火二氣之位風主動善行數變木旺生火風火屬陽多爲兼化且陽明燥金主於緊斂縮勁風木爲病反見燥金之化由亢則害承乃制謂已過極則反似勝已之化故木極似金況風能勝濕而爲燥風病勢甚而成筋縮燥之甚也

有熱盛生風而爲卒仆偏枯者以麻桂烏附投之則殆當以河間法治之紺珠經云以火爲本以風爲標心火暴甚腎水必衰肺金既摧肝木自旺治法先以降心火爲主或清心湯或瀉心湯大作劑料服之心火降則肝木自平矣次以防風通聖散汗之或大便閉塞者三化湯下之內邪已除外邪已盡當以羌活愈風湯常服之宣其氣血導其經絡病自已矣或舌謇不語者轉舌膏或活命金丹以治之此聖人心法也或有中風便牙關緊急漿粥不入急以三一承氣湯灌於鼻中待藥下則口自開矣然後按法治之

有元氣素弱或過於勞役或傷於嗜欲而卒然厥仆狀類中風者手必散口必開非大劑參耆用至斤許豈能回元氣於無何有之鄉哉亦有不仆而但舌強語澀痰壅口眼喎斜肢體不遂者作中風治必殆以六君子湯加諸汁治之 寶鑑云凡人初覺大指次指麻木不仁或不用者三年內有中風之疾也宜先服愈風湯天麻丸各一料此治未病之法也薛已云預防之理當養氣血節飲食戒七情遠禪懣可也若服前方以預防適所以招風取中也

中寒

中寒之症身體強直口噤不語或四肢戰掉或灑灑惡寒或翕翕發熱或卒然眩暈身無汗者此寒毒所中也其異於傷寒何也曰傷寒發熱而中寒不發熱也仲景於傷寒詳之而中寒不成熱者未之及何也曰陽動陰靜動則變生靜則不變寒雖陰邪既鬱而成熱遂從乎陽動傳變不一靡有定方故極推其所之之病不得不詳也其不成熱者則是邪中於陰形之中一定而不移不移則不變不變則止在所中寒處而生病是故略而不必詳也治之先用酒調蘇合香丸輕則五積散加香附一錢麝香少許重則用薑附湯若人漸甦身體回暖稍能言語須更問其別有何證寒脈遲緊挾氣帶洪攻刺作痛附子理中湯加木香半錢挾風帶浮眩暈不仁加防風一錢挾濕帶濡腫滿疼痛加白朮一錢筋脈牽急加木瓜一錢肢